

Olav Thorsheim  
Vassbygsvegen 484  
5912 SEIM

Referanser:  
Dykker:  
Vår: 14/6545 - 14/23836

Saksbehandlar:  
Kristin Nielsen  
[kristin.nielsen@lindas.kommune.no](mailto:kristin.nielsen@lindas.kommune.no)

Dato:  
23.10.2014

## Løyve til tiltak - oppføring av redskaps-/vedhus - gbnr 181/1 Torsheim

### **Administrativt vedtak. Saknr: 325/14**

**Tiltakshavar:** Olav Thorsheim  
**Søknadstype:** Søknad om løyve til tiltak utan ansvarsrett etter plan- og bygningslova (pbl.) § 20-2

### **SAKSUTGREIING**

#### **Tiltak**

Saka gjeld søknad om oppføring av redskaps-/vedhus med bygd areal (BYA) opplyst til å vere ca. 152 m<sup>2</sup>. Det vert elles vist til søknad motteken 11.09.2014.

#### **Sakshandsamingsfrist**

Søknaden var komplett og klar for handsaming den 11.09.2014 og frist for sakshandsaming etter plan- og bygningslova (pbl.) § 21-7 jf. SAK 10 § 7-2 er 3 veker frå denne dato.

#### **Planstatus**

Eigedomen ligg i uregulert område innanfor det som i kommuneplanen sin areal del er definert som LNF-føremål, omsynssone landbruk.

#### **Dispensasjon**

Tiltaket krev ikkje dispensasjon då det gjeld driftsbygning for gardsbruk i drift, og såleis er i tråd i LNF-føremålet, jf pbl § 11-7 nr 5 a).

#### **Uttale frå anna styresmakt**

Det er ikkje henta inn uttale frå anna styresmakt.

#### **Nabovarsel**



Tiltaket er nabovarsla i samsvar med pbl. § 21-3, med unntak av eigarane av gnr. 181 bnr. 20, fylkesveg 390. I medhald av reglane i pbl. § 21-3 andre ledd vert det gjeve fritak for varsling av eigarane av denne eigedommen. Tiltaket ligg meir enn 15 meter frå vegmidte, jf. Kommuneplanen punkt 1.6. Ein finn at deira interesser ikkje vert råka av arbeidet.

Det ligg ikkje føre merknader frå naboane som vart varsla.

#### **Plassering**

Plassering av tiltaket er vist i situasjonsplan datert 21.08.2014. Minsteavstand til nabogrense målt til å vere ca. 37 meter. Avstand til offentleg veg er målt til å vere ca. 153 meter. Tiltaket ligg innanfor byggegrensa.

#### **Vatn og avløp (VA)**

Tiltaket skal ikkje knytast til vassverk eller avløp.

#### **Tilkomst, avkjørsle og parkering**

Tiltaket vil ikkje føre til endra tilkomst, avkjørsle eller parkering for eigedomen.

#### **Visuelle kvalitetar**

Tiltaket skal prosjekterast og utførast slik at det etter kommunen sitt skjønn har gode visuelle kvalitetar både i seg sjølv, og i høve til tiltaket sin funksjon, bygde og naturlege omgjevnader og plassering, jf. pbl. § 29-2.

#### **Flaum, skred og andre natur- og miljøtilhøve**

Tiltakshavar har erklært at tiltaket ikkje skal plasserast i eit område der det er fare for flaum, skred eller andre natur- og miljøtilhøve som krev særskilte undersøkingar eller tiltak. Kommunen legg denne vurderinga til grunn for vedtaket.

#### **Tekniske krav til byggverk**

Tiltaket skal prosjekterast og førast opp i samsvar med forskrift om tekniske krav til byggverk (TEK), jf. pbl. § 29-5.

### **VURDERING:**

#### **Plassering**

Tiltaket vert godkjent plassert slik det går fram av søknaden.

#### **Visuelle kvalitetar**

Tiltaket har etter kommunen sitt skjønn tilfredsstillande visuelle kvalitetar, både i seg sjølv og i høve til sin funksjon, og dei bygde og naturlege omgjevnader og plassering, jf. pbl. § 29-2.

#### **Vurdering etter naturmangfaldslova**

Kommunen har vurdert prinsippa i §§ 8 – 12 i naturmangfaldslova. Ein har mellom anna sjekka det aktuelle arealet i [www.naturbase.no](http://www.naturbase.no) og [www.artsdatabanken.no](http://www.artsdatabanken.no) og nyttta rettleiing frå Fylkesmannen i Hordaland. Kommunen finn ikkje at tiltaket vil kome i konflikt med naturmangfaldslova.

### **VEDTAK:**

**Med heimel i plan- og bygningslova §§ 20-2 b) vert det gjeve løyve til tiltak for oppføring av redskaps-/vedhus på følgjande vilkår:**

1. **Tiltaket skal plasserast som vist i situasjonsplan datert 21.08.2014 med heimel i pbl. § 29-4, jf. SAK § 6-3.**

### **Mynde**

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegasjonsreglement.

### **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagat på i vedtaket, og kva endringar ein ønsker. Klagen skal grunngjenvært.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Kopi av dette vedtaket, samt andre saksdokument, skal alltid vere tilgjengeleg på byggeplassen.

Ved all vidare kontakt i denne saka, ver venleg og referer til **saknr.: 14/6545**

### **Ansvar**

*Tiltakshavar er ansvarleg for at byggverket vert oppført i samsvar med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene føre løyvet. Vedtak etter plan- og bygningslova inneber ikke avgjerd i privatrettslege tilhøve, jf. pbl. § 21-6.*

### **Bortfall av løyve**

*Om byggearbeidet ikke er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9.*

### **Avfall**

*Alt avfall som tiltaket fører med seg skal leverast til mottak godkjent av forureiningsstyresmakta.*

### **Ferdigstilling**

*Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløyve ligg føre.*

*Sluttdokumentasjonen skal vise at tiltaket er utført i samsvar med løyve og føresegner gjeve i eller i medhald av plan- og bygningslova. Om det er justeringar i tiltaket i høve til løyvet som ikke krev søknad om endring, skal tiltakshavar seinast ved søknad om ferdigattest sende oppdatert situasjonsplan og teikningar til kommunen. I tiltak der det er krav om avfallsplan eller miljøsaneringsutgreiing skal sluttrapport som dokumenterer faktisk disponering av avfall leggjast ved søknad om ferdigattest.*

Når det står att mindre vesentlege arbeid, kan kommunen gje mellombels bruksløyve for heile eller deler av tiltaket. I søknad om mellombels bruksløyve skal tiltakshavar identifisere attståande arbeid, stadfeste at byggverket har tilfredsstillende tryggleik, og sette tidspunkt for ferdigstilling.

Før det vert gjeve ferdigattest/mellombels bruksløyve for tiltaket må følgjande ligge føre:

- 1. Faktisk plassering av tiltaket må være målt inn, og koordinatar sendt kommunen.**

**Gebyr**

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
10.3.1	Basisgebyr	1	Kr 6 200,-
	<b>Totalt gebyr å betala</b>		<b>Kr 6 200,-</b>

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl. § 21-4 (6).

Klage

Gebyr for teknisk forvaltingsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Med helsing

Tor Hegle  
einingsleiar

Kristin Nielsen  
rådgivare

Dette dokumentet er elektronisk godkønt og har difor ingen signatur.

## Mottakarar:

Olav Thorsheim

Vassbygsvegen  
484

5912

SEIM